

Centrotrans[®] Kakanj

Datum: 21.06.2012 godine
Broj: 01-141 /12

ZENIČKO DOBOJSKI KANTON
PREMIJER
Fikret Plevliak

Predmet: Molba za posredovanje i pomoć u opstanku Centrotrans prevoz putnika dd Kakanj

Poštovani!

U ime zaposlenika Centrotrans prevoz putnika dd Kakanj molimo vas da se uključite u prevazilaženju novonastale krize u ovoj kompaniji, a koja je nastala nasilnim oduzimanjem i prodajom jednog vozila/autobusa u vlasništvu ovog Društva. Centrotrans prevoz putnika već niz godina vodi bitku protiv nelojalne konkurencije i pokušava opstati na tržištu prevoza putnika i zadržavanja svih zaposlenih, međutim događanja od 20.06.2012. godine u selu Babino doveli su ovu kompaniju u bezizlaznu situaciju. Naime, Općinski sud u Kaknju, na potpuno skrivenom mjestu daleko od očiju javnosti, izvršio prodaju zaplijenjenog vozila u vlasništvu Centrotrans prevoz putnika dd Kakanj, i to sve uz pratnju sudske policije i pripadnika PU Crkvice. Tri bivša radnika Centrotrans prevoz putnika dd Kakanj nakon što su napustili ovu kompaniju tužili su istu za razliku plaća i drugih naknada po osnovu Općeg kolektivnog ugovora. Sud je donio pravosnažnu i izvršnu presudu i na taj način dovedeno je u pitanje dalji rad ovog Društva.

Veoma dobro vam je poznato da je malo pravnih subjekata koji su u mogućnosti u potpunosti ispoštovati odredbe Općeg kolektivnog ugovora, i da je isti uzrok mnogim kompanijama što „grcaju“ u dugovima, pa i sami ste svjedoci koliko ovaj ugovor negativno utiče na ukupno povećanje troškova poslovanja.

Također, želimo da vas podsjetimo da se Centrotrans prevoz putnika, po osnovu sanacionog programa od 2005. godine zadužio za 1.500.000.KM koje teškom mukom već sedmu godina otplaćuje.

Istina, odluke Suda, bez obzira na kakav način bile donesene, moraju se poštovati i sud je obavezan obezbijediti izvršenje istih. Međutim, i radnici ovog Društva znaju da sa jednim vozilom manje, jer drugo se ne može kupiti, dolaze u pitanje njihova radna mjesta.

Godinama se bore da opstanu na tržištu pružanja usluga prevoza putnika, svjesni da zbog ekonomske krize u društvu teško mogu izaći iz vlastite krize, nelojalna konkurencija oduzima im mogućnost za pravednu podjelu poslova na tržištu, stoga su veoma ljuti i ogorčeni na svoje bivše kolege što su tužili firmu i time ugrozili njihovu egzistenciju.

Iz straha da ne dođu na „prosjački štap“ radnici su se organizovali i mirnim protestima, na mjestu zakazanom za prodaju autobusa, iskazali svoje nezadovoljstvo prema bivšim kolegama.

O kakvoj grupi radnika se radi pokazalo se i na mjestu prodaje autobusa. Radnici koji su pokrenuli postupak pljenidbe i prodaje autobusa su na veoma bezobrazan i vulgaran način napali radnike Centrotrans prevoz putnika. Ovakvo ponašanje bivših radnika nije samo uvrijedilo radnike Društva već su bili uznemireni lokalni stanovnici koji su sa čuđenjem pratili šta se događa.

Ovo može potvrditi policijska patrola PU Crkvice, sudska policija i krimi kantonalna služba.

Posljedice oduzimanja (prodaje) autobusa po Centrotrans prevoz putnika dd Kakanj su jasne. Sa jednim vozilom teško će se moći obezbijediti:

- kontinuitet rada u narednom periodu,
- broj prevezenih putnika bit će manji, a samim tim i priliv novčanih sredstava manji
- redovna isplata plaća i drugih naknada
- obaveze prema državi
- zadržavanje postojećeg broja zaposlenih i sl.

Napominjem, da sa ovom prodajom zahtjevi bivših radnika nisu u potpunosti izmireni, pa je očekivati događaje od 20.06.2012. godine i u narednom periodu, a što će zasigurno imati za posljedicu potpunu obustavu rada Centrotrans prevoz putnika dd Kakanj i ostanak bez posla svih 34 zaposlena radnika, a vrlo dobro znamo šta to znači za njihove porodice.


U cilju prevazilaženja novonastale situacije u Centrotransu, tražimo da se hitno organizira sastanak, kako bi se pokušalo naći adekvatno rješenje za izlazak iz krize.

U očekivanju vašeg odgovora i određivanja termina za sastanak srdačno vas pozdravljamo.


S poštovanjem

Dostaviti:

- 1 x naslovu
- 1 x Ministarstvo za prostorno uređenje, promet i komunikacije i zaštitu okoline n/r Raif Seferović
- 1 x Samostalni Sindikat Saobraćaja i veza u Bosni i Hercegovini n/r Bejto Kačar
- 1 x Savez samostalnih sindikata Bosne i Hercegovine n/r Ismet Bajramović
- 1 x Općinski Sud u Kakanju
- 1 x Kantonalni Sud u Zenici
- 1 x Načelniku općine Kakanj
- 1 x Udruženje javnog gradskog saobraćaja, Sarajevo
- 1 x Komesar policije ze-do kantona, n/r Bećirović Fahrudin
- 1 x a/a

Predsjednik IO Sindikata

 Gačić Sinan



Direktor

 Bitić Sulejman, dipl.ing.maš.